

რუსეთის ეკლესიის დელეგაციამ მონაწილეობა მიიღო პირველი მსოფლიო ომის წლებში სლოვენიაში დაღუპული რუსი სამხედრო ტყვეების ხსოვნისადმი მიძღვნილ ცერემონიაში



2021 წლის 30-31 ივლისს მოსკოვისა და სრულიად რუსეთის უწმინდესი პატრიარქის კირილეს ლოცვა-კურთხევით, ბერლინ-გერმანიის ეპარქიის მმართველმა, რუზსკის მთავარეპისკოპოსმა ტიხონმა ვრშინის უღელტეხილზე წმინდა მოციქულთა სწორი მთავრის ვლადიმერის სახელობის სამლოცველოს დაარსების 105-ე წლისთავისადმი მიძღვნილ ღონისძიებებში მიიღო მონაწილეობა. ამ ადგილას სამლოცველო აიგო რუსი სამხედრო ტყვეების ხსოვნის პატივსაცემად, რომლებიც აქ პირველი მსოფლიო ომის წლებში დაიღუპნენ.

მიმდინარე წელს რუსული სამლოცველოს 105-ე წლისთავთან დაკავშირებული დღესასწაული, რომელიც რუსმა სამხედრო ტყვეებმა ააგეს ჩამონოლილი თოვლის ზეგვის შედეგად გარდაცვლილი მეგობრების ხსოვნის სახელზე, რომლებსაც გზა გაჰყავდათ ალპების გავლით, პირველად ჩატარდა რუსეთისა და სლოვენიის მეგობრობის ზეიმის ჩარჩოებში. ღონისძიებებს ორგანიზება გაუკეთა სლოვენიაში რუსეთის საელჩომ, ქალაქ კრანსკა-გორას მერიამ, ფონდმა „რუსულმა სამყარო“ („Русский мир“) და „სლოვენია-რუსეთის“ მეგობრობის საზოგადოებამ, რომელიც ამ წელს თავის დაარსების 25 წლისთავს აღნიშნავს. ღონისძიებაში მონაწილეობა 500-ზე მეტმა ადამიანმა მიიღო.

31 ივლისს საზეიმო მემორიალური ცერემონია ჩატარდა ვრშინის უღელტეხის ქვეშ მდებარე რუსულ სამლოცველოსთან, რომელსაც სლოვენიის ხელისუფლების წარმომადგენლები ესწრებოდნენ: სლოვენიის პრეზიდენტი ბორუტ პახორი, რესპუბლიკის სახელმწიფო საბჭოს (პარლამენტის უმაღლესი პალატა) თავმჯდომარე ალოიზ კოვშცა, ვიცე-პრემიერი, სლოვენიის ეკონომიკური განვითარებისა და ტექნოლოგიების მინისტრი ზდრავკო პოჩივალშეკი, ქალაქ კრანსკა-გორას მერი იანეზ ხროვატი.

ღონისძიებაში ასავე მონაწილეობდნენ: დეკანოზი ბორისლავ ლივოპოლიაკი (სერბეთის მართლმადიდებელი ეკლესია), ცელიეს ეპისკოპოსი სტანისლავ ლიპოვშეკი (რომაულ-კათოლიკური ეკლესია), ეპისკოპოსი ლეონ ნოვაკი (სლოვენიის ევანგელისტური ეკლესიის მეთაური), რუსეთის ფედერაციის ფედერალური ასამბლეის ფედერაციული საბჭოს ვიცე-სპიკერი კ. ი. კოსაჩევი, რუსეთის ფედერაციის საგანგებო და სრულუფლებიანი ელჩი სლოვენიაში ტ. რ. ეივაზოვი, მოსკოვის მთავრობის საგარეო ეკონომიკისა და საერთაშორისო კავშირების დეპარტამენტის მეთაურის მოადგილე ალექსეი ბონდარუკი, საზოგადოება „სლოვენია-რუსეთის“ თავმჯდომარის მოვალეობის შემსრულებელი ურბან ოცვირკი, საზოგადოება სლოვენია-რუსეთის პირველი თავმჯდომარე საშა გერჟინა.

რუსი სამხედრო ტყვეებისათვის აღსრულებული მიცვალებულთა ლიტია რუზსკის მთავარეპისკოპოსმა ტიხონმა ჩაატარა.

მიცვალებულთა საგალობლები შეასრულა ქ. მიუნხენის ქრისტეს აღდგომის სახელობის სამრევლოს მგალობელთა გუნდმა რეგენტ მაქსიმე მათიუშენკოვის ხელმძღვანელობით.

ექტენიაზე ლოცვები იქნა აღვლენილი განსვენებისთვის სულთა მიცვალებულთა მონათა ღვთისათა მართლმადიდებელთა მხედართა და მხედართმთავართა, შიმშილისგან, ჭრილობისგან და ყინვისგან აიმაღილას გარდაცვალებულთათვის.

ღვთისმსახურების დაწყებამდე მთავარეპისკოპოსმა ტიხონმა რუსი თანამემამულეების, რომლებმაც აქ ნახეს განსვენება, ხსოვნისადმი პატივმისაგებად ყველა შეკრებილს, სიტყვით მიმართა და კერძოდ, აღნიშნა:

„აღვავლენთ რა ლოცვებს მხედართა განსვენებისთვის, XX საუკუნის დასაწყისში ბრძოლის ველზე გარდაცვლილთათვის, არ შეგვიძლია არ გავიხსენოთ სხვა ერთდროულად სამწუხარო, და გმირულიც ფურცლები ჩვენი საერთო ისტორიიდან – 80 წლის წინ ჩვენი ქვეყნები მთელი 4 წელი სიკეთისა და ბოროტების ბრძოლის ველად იყო ქცეული. მილიონობით მოქალაქემ გასწირა სიცოცხლე საკუთარი სამშობლოს ნგრევისაგან და საკუთარი თავის დამონებისგან დასაცავად; იცავდნენ რელიგიურ, ზნეობრივ და სამოქალაქო იდეალებს ნაციზმის არადამიანური იდეოლოგიის წინააღმდეგ.

წარსული წლების ეს მოვლენები, ძლიერად აღბეჭდილი რუსეთისა და სლოვენის ისტორიულ მეხსიერებაში, აღგვძრავს, განსაკუთრებული ყურადღებით მივუდგეთ იმას, რაც დღეს მსოფლიოში ხდება და მომხდარზე პასუხისმგებლობა ვიგრძნოთ. ჩვენი ცხოვრება და ჩვენი მინა – ეს ღვთის საჩუქარია, რომლის დაცვისთვისთვისაც ვართ მონოდებული. ამიტომ ყოველგვარი შესაძლებლობის გამოყენება ჩვენ ირგვლივ სამყაროს კეთილად შეცვლისათვის – ეს ჩვენი ვალდებულებაა ღვთისა და წინაპრების წინაშე, რომლებიც გმირულად დაეცნენ იმისათვის, რომ ჩვენ ცხოვრება შეგვძლებოდა.

მოსკოვისა და სრულიად რუსეთის უწმინდესი პატრიარქის კირილეს სახელით, მინდა გულწრფელი მადლობა გადავუხადო სლოვენის სახელმწიფო ხელისუფლებას და მთელი სლოვენის მოძმე ერს იმისთვის, რომ უკვე საუკუნეზე მეტია აქ შენარჩუნებულია რუსი ჯარისკაცების ხსოვნა, რომ იღწვით მეგობრობის განმტკიცებისთვის, ჩვენს ქვეყნებს შორის სულიერი და კულტურული კავშირების განვითარებისთვის, რომელთა თვალსაჩინო გამოხატულებას ემსახურება ეს სამლოცველო, სადაც ღვთისადმი ლოცვების აღვლენა არ წყდება. დაე უფალმა აკურთხოს ჩვენი მოძმე ერები“.

რუსულ სამლოცველოსთან მემორიალური ღონისძიებების დასრულების შემდეგ ქალაქ კრანსკა-გორას ცენტრში მეგობრული საზოგადოების „სლოვენია-რუსეთის“ წევრთა ყოველწლიური შეხვედრა გაიმართა.

წინა საღამოს მთავარეპისკოპოსი ტიხონი ლიუბლიანასა და სლოვენის პრიმასს მთავარეპისკოპოს-მიტროპოლიტ სტანისლავ ზორეს შეხვდა (რომაულ-კათოლიკური ეკლესია).

ასევე, ქ. კრანსკა-გორაში ქ. მიუნხენის ქრისტეს აღდგომის სახელობის სამრევლოს მგალობელთა გუნდის კონცერტი ჩატარდა.

წმინდა მოციქულთა სწორის ვლადიმერის სახელობის სამლოცველო ვრშინის უღელტეხილის ქვეშ (სლოვენის საკურორტო ქალაქ კრანსკა-გორას მახლობლად) – ეს არის პირველი მსოფლიო ომის დროს ამ ადგილებში დაღუპული რუსი ჯარისკაცებისადმი მიძღვნილი მემორიალური ძეგლი. ის განლაგებულია იულის ალპების ერთ-ერთ ფერდობზე ზღვის დონიდან 1000 მეტრ მეტ სიმაღლეზე ვრშინის

უღელტეხილის (1611 მ) ახლოს. ეს არის გზა, რომელიც აკავშირებს სლოვენიის ცენტრალური რაიონებს დასავლეთის რაიონებთან – მდინარე სოჩას ხეობასთან.

პირველი მსოფლიო ომის წლებში ქ. კრანსკა-გორა (აქ მდებარეობდა ავსტრიის სარკინიგზო გზის ბოლო სადგური) იყო მთავარი სატრანზიტო პუნქტი საბრძოლო მასალების, ტექნიკისა და ჯარისკაცების მისაწოდებლად ავსტრია-იტალიის ფრონტზე. საომარი საჭიროებიდან გამომდინარე, ავსტრიის სამხედრო ხელმძღვანელობამ მიიღო გადაწყვეტილება ვრშჩის გავლით გზის გაყვანაზე. უკვე 1915 წლის ივლისში ქ. კრანსკა-გორას მახლობლად მოეწყო ბანაკი რუსი სამხედრო ტყვეებისთვის, რომელთა ხელებითაც შენდებოდა გზა უღელტეხილზე.

1916 წლის 12 მარტს რუსი სამხედრო ტყვეების ჯგუფიდან ერთ-ერთი, რომელიც გზას წმენდდა, ავსტრიელ ბადრაგთან ერთად თოვლის ზვავში ჩაიძარხა. მაშინ, ზოგიერთი წყაროს თანახმად, 300-ზე მეტი ადამიანი დაიღუპა. სულ ტყვეთა ბანაკის არსებობის პერიოდში (1915-1917 წწ.) აქ მძიმე შრომისა და შიმშილისგან დაახლ. 10 ათასი ტყვე ჯარისკაცი გარდაიცვალა.

ზვავის შედეგად გარდაცვლილი მეგობრების სახსოვრად, 1916 წელს სამხედრო ტყვეებმა თავიანთი დროებითი ბარაკების მახლობლად არც თუ დიდი ზომის ხის სამლოცველო ააშენეს.

1920-იან წლებში ვრშჩის უღელტეხილის გზა რეკონსტრუირებული იქნა, მის გასწვრივ დაკრძალულთა ნეშტები სამლოცველოს მახლობლად მდებარე ძმათა სასაფლაოზე გადასვენეს, რომელზეც 1930-იან წლებში პატარა პირამიდული ობელისკი გააკეთდა წარწერით „რუსეთის შვილებს“. იმ წლებში, ივლისის თვის ბოლოს, სამლოცველოსთან შეკრება დაიწყო რუსმა ემიგრანტებმა მთელი მაშინდელი იუგოსლავიიდან, რათა თანამემამულეების ხსოვნისათვის პატივი მიეგოთ.

მას შემდეგ, რაც 1991 წელს სლოვენიამ დამოუკიდებლობა მოიპოვა, სლოვენიის საზოგადოების წარმომადგენელთა საინიციატივო ჯგუფმა, რომელიც შემდგომში ბირთვი გახდა 1996 წელში ჩამოყალიბებული მეგობრული საზოგადოებისა „სლოვენია-რუსეთი“, დაიწყო ყოველწლიური შეხვედრების მოწყობა რუსულ სამლოცველოსთან, ივლისის ბოლო კვირა დღეს, რუსი და სლოვანი პოლიტიკოსების, საქმიანი ხალხის, საზოგადოებრივი ორგანიზაციებისა და ეკლესიის წარმომადგენლების, და კულტურის სფეროში მოღვაწეთა შემადგენლობით.

1995 წელს რუსულმა სამლოცველომ მიიღო სახელმწიფოს მიერ დაცული კულტურული ძეგლის სტატუსი. 2005 წელს სამლოცველოს მიმდებარე ტერიტორია მემორიალურ პარკად გადაკეთდა და მმართველობაში გადაეცა სლოვენიის კულტურის სამინისტროს.

2006 წელს რუსული სამლოცველოს 90 წლისთავის წინა დღეებში სლოვენიის ხელისუფლებამ მიიღო გადაწყვეტილება, რომ ქ. კრანსკა-გორადან წმინდა მთავარ ვლადიმერის სამლოცველოს გავლით ვრშჩის

უღელტეხილზე გამავალი გზისთვის სახელად „რუსული გზა“ ეწოდებინა.

2021 წლის 28 ივლისს რუსეთის პრეზიდენტმა ვლადიმერ პუტინმა და სლოვენის პრეზიდენტმა ბორუტ პახორმა სატელეფონო საუბრისას მოილაპარაკეს, დაედგინათ რუსეთ-სლოვენის მეგობრობის დღე, რომლის აღნიშვნაც ყოველწლიურად მოხდება ივლისის ბოლო შაბათს, ვრშჩის უღელტეხილზე რუსულ სამლოცველოსთან სამახსოვრო ღონისძიების ჩატარების [წინა] დღეს.

ბერლინ-გერმანიის ეპარქია/

სსკვ-ს კომუნიკაციების სამსახური

წყარო: <https://mospat.ru/ge/news/87839/>